

Le dotur Eduard Agreiter é demez en jöbia y en vëndres, ai 16 y 17 de forá, y vëgn sostituí dala doturia Grete Mahlknecht 349 06 67 034.

### PLOANIES SAN MARTIN Y LUNGIARÜ

Chi che oress cumpré privatamënter le liber nü LALDUN LE SIGNUR, pó le cumpré te calonia vigni domënia do mësxa, por 20 euro.

#### SAN MARTIN

Ince ciamó en chësta sabeda y domënia, 11 y 12 de forá, periunse bel do osc contribut por scialdè la dlíja y la calonia ch'i podëis dé pro l'oferta tratan mësxa.  
- Chi che ó pó ince paié por banca IBAN IT 11 J 08010 58830 000304004922

#### LUNGIARÜ

I/Les Seniors/es da Lungiarü é bel inviá/des da gní a n domisdé de jüc (carté y tombola) tla Pizzeria Fornata en Domënia Grassa, ai 19 de forá, dales 14.30.

-----  
Consulënza dal Consultore familiar (Familienberatungsstelle) ince tl Raiun Sozial a Picolin ai 15 de forá y ai 15 de merz dales 16.00 inant tla 3<sup>a</sup> alzada. La consulënza é ponsada por dotes les generaziuns te situaziuns desvalies. Stress, conflic de relaziun, dificultés söl laur, ambiënt sozial, familia o ince maratia á gonot debojëgn de na consulënza o de n aiüt. Family direkt píta sön domanda consulënzes por telefon o ince consulënzes personales. Porsones cualificades se tól dlaurela (danter 30 y 45 menüc) por Os. La consulënza é debann. I termi pó gní tuc online sot a [www.familydirekt.it](http://www.familydirekt.it) o al 0471 1550900

La biblioteca Sas dla Crusc inviëia en mertesc ai 14 de forá, dales 15.00, tla biblioteca a San Martin a n domisdé cun stories, pastelné y jüc por mitans y mituns dla scora elementara.

Museum Ladin de Tor: I imparun da conësce le Carnescé Ladin y pastelnun mascheres por mitans/uns dla scora elementara en dedemesaledema, ai 15 de forá, dales 14.30-16.30, tl salamënt dles mostres dl museum. Cost: 5 euro porom, al plü 15 partezipanc - Iscriziun obligatora: [info@museumladin.it](mailto:info@museumladin.it)



Al s'â maridé n manz y na sgneca. Dala noza mostrâ trami ca sü bi corgn y parò da diventé n per dër contënt. N de da jí a spazier fora por pastöra metò le manz man da ti fá les beles ales vaces che pascentâ dailó. Ala sgneca ti parentâra bëgn dassënn y ara ti â scraie ia a so om "Sëgn vëighi bëgn ite che te m'as ma maridé deach'i é pessizra de na ciasa!"

Dui iac dan na gabia: "Miau, tan bugn ch'ai foss chisc canarins!" – "Chisc n'é pó nia canarins, chi é pó ghei y no vërc!" – "Ai n'é mefo nia ciamó madüs!"

Le pice Lucas é jü a perde te na gran botëga. Cun de gran legremes damanel na boteghira "N'aste nia odü na mama zënza n möt, zënza n tal sciöche iö?"



[unitepastorala.org](http://unitepastorala.org)

## Plata dles Ploanies San Martin y Lungiarü



ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
curat siur Heinrich Perathoner 339 65 74 213  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

### 12.02. - 19.02.23 n. 12

ultimo termo por comunicaziuns: jöbia, dales 20.00

## 6<sup>a</sup> DOMËNIA IA POR L'ANN "A"

### Vangele do Matí 5,17-37

Te chël tëmp á Geú dit: I ves diji: Sce osta iustizia n'é nia cotan maiù co chëra di studià dles scritöres y di farisës, ne rovarëise nia tl rëgn dl cil. I ëis aldì, ch'al ti é gnü dit ai vedli: Te ne desses nia copè; chël che copa zacai dess gnì sotmetü al iudize. Iö indere ves diji: Vignun, che se dessëna incé mâ cun so fre, dess gnì sotmetü al iudize....

Canche te portes tüa oferta sön altè y al te toma ite laprò, che to fre à val' cuntra tè, lascia tüa oferta dailò dan altè; va naöta a fà a öna cun to fre, spo vî a ofrì tüa scincunda....

I ëis aldì, ch'al ti é gnü dit ai vedli:

Te ne desses nia dè juramënt falz,

Iö indere ves diji:

Ne stede daldötzenia a dè juramënt,

Osc scê sides n scê, osc nou sides n nou;

döt l'ater vëgn dal mal.



*Sce le vangele de chësta domënia vëgn lit deplëgn, él bindebó lunch. Gejú baia dles realtés dla vita. Ara ne se trata nia de na pordica morala, mo de afidabilitè y credibilitè, de sinziritè y verité.*


*Gonot n'él nia i gragn fai o defec che nes fej ria la vita a nos y ai atri, por le plü él les tröpes inclinaziuns da vigni de ch'i un te nos sc'i ne sun nia daldöt sinziers y fedei, nia de parora y de crëta.*

*A chisc comportamënc pón ince ti dí „picé“, ai me despartësc da me y dai atri y dala vita.*

*Al n'é nia na noela comota ci che le vangele nes dij incö, mo impó na buna noela che me dëida vire.*

*Porchël ti sunse reconescënt a Gejú ch'al me scassa tres indò sö, incö cun l'invit: „Osc scê sides n scê, osc nou sides n nou!“*

*y chësc me dëida vire tla presënza de Dî coch'i oress ion vire. (image)*

EDEMA	SAN MARTIN	LUNGIARÜ	
<b>12.02.23</b> <b>6<sup>a</sup> DOMËNIA ia por l'nn A</b>	<b>9.00 Corona</b> ( <i>cun siur Degan</i> ) <b>9.30 Gran Mëssa por la comunité</b> en onú de santa Maria da Lourdes + siur Angel Morlang (dl ann) dl ann + Maria Clara Verginer dl ann + Artur Conrater dl ann + Hans Pescoller + Clara Frenner Zingerle (dl ann) + Giovanni Flöss (dl ann)	<b>7.50 Corona</b> <b>8.15 Gran Mëssa por la comunité o Liturgia dla Parora</b>	<p>Comënt ala pröma letöra da incö  <b><i>Jesus Sirach 15,15-20</i></b></p> <p>„Mangu yupo!“ é la parora ch’i á aldí le plü, cunta n miscionar che é sté dui agn tla Tansania. Ara ó dí „Idí é chiló!“</p> <p>La jënt dailó n’é nia buna da s’imaginé l’ateism y da ponsé che Idí n’é nia. Por ëi é l sigü che Idí esist, ch’al é chiló y ciara de nos. Ince por i mituns é l sigü ch’al é n Chël Bel Dî y l’angel de Dî. An á l’impresciun che le sentiment religios dla jënt aldes pro so DNA, ch’ai l’á daite te süa natöra da pici insö. Pormó canch’ai impara bel plan a scora da ponsé razionalmënter y da se lascé deplü sön so ciorvel co sön so sentiment natural y süa intuiziun, pormó canch’ai arjunj n cer’ bëgnester material y se sint deplëgn a ciasa tla vita sön chësta tera, mëti man da perde Chël Bel Dî y la fede te val’ plü alalt. Vignun é lëde, sc’al ó crëie y a ci ch’al ó crëie. Le tru da rové a Chël Bel Dî é davert por vignun, aldiunse incö fora dla Sacra Scritöra. Y sc’i un le cör davert podunse sintí che Idí é chiló.</p> 
13.02.23 <b>Lönesc</b> <i>Adolf, Gisela</i>			
14.02.23 <b>Dedolönesc</b> <i>Valentin, Ziril y Metode</i>	<b>7.30 Mëssa</b> ( <i>cun pater Franz Senfter</i> ) de renger. por na familia + Mariangel Tavella + Iarone Rubatscher		
15.02.23 <b>Dedemesaledema</b> <i>Siegfried, Faustin</i>		<b>7.30 Mëssa</b> ( <i>pater Franz Senfter</i> ) + Franz Frenademez + + Rita y Giovanni Clara	
16.02.23 <b>Jöbia</b> <i>Iuliana, Filipa</i>	<i>degöna mëssa</i>	<b>19.00 Mëssa</b> ( <i>siur Degan</i> ) dl ann + Pire Clara, Mair dl ann + Marino Clara, Ties + + Ida y Fonjo Pezzei + + Maria y Severino Zingerle	
17.02.23 <b>Vëndres</b> <i>Fondadus di Servic, Marzel</i>	<b>18.30 Adoraziun chîta</b> <b>19.00 Adoraziun deboriada</b>		
18.02.23 <b>Sabeda</b> <i>Scimun, Costanza</i>	<b>19.30 Mëssa prefestia</b> ( <i>siur Klaus</i> ) de renger. fam. Paul Pedevilla vis y def. fam. Martin Verginer dl ann + Maria Tavella Vanzi dl ann + Lena Costabiei Moling + Erna Frenner, Jënder + Angelina Vanzi Badissera	<i>degöna mëssa</i>	
<b>19.02.23</b> <b>7<sup>a</sup> DOMËNIA ia por l'nn A</b> <i>Domënia Grassa</i>	<b>9.00 Corona</b> <b>9.30 Gran Mëssa por la comunité o Liturgia dla Parora</b>	<b>7.50 Corona</b> <b>8.15 Gran Mëssa por la comunité o Liturgia dla Parora</b>	